

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

Orde-
nung der Priester.



Luc. 10.
 Ver dis war die Ordnung der kinder Aaron. Die kinder Aaron waren Nadab/Abihu/Eleasar vnd Ithamar. Aber Nadab vnd Abihu storben fur iren Vetern / vnd hatten keine Kinder / vnd Eleasar vnd Ithamar wurden Priester. Vnd David ordenet sie also / Zadoth aus den kindern Eleasar / vnd Abimelech aus den kindern Ithamar / nach iher zal vnd ampt. Vnd wurden der kinder Eleasar mehr funden zu furnemesten starcken Mennern / denn der kinder Ithamar. Vnd er ordenet sie also / nemlich / sechzehen aus den kindern Eleasar / zu Obersten vnter iher Veter haus / vnd achte aus den kindern Ithamar vnter iher Veter haus. Er ordenet sie aber durchs Los / darumb / das beide aus Eleasar vnd Ithamar kinder / Obersten waren im heiligthum / vnd obersten fur Gott. Vnd der schreiber Semaia der son Aethaneel aus den Leuiten / beschreib sie fur dem Konige vnd fur den Obersten / vnd fur Zadoth dem Priester / vnd fur Abimelech dem son Abiathar / vnd fur den obersten Vetern vnter den Priestern vnd Leuiten / nemlich / ein vaters hause fur Eleasar / vnd das ander fur Ithamar.

Luc. 11.
 Vnd das erst Los fiel auff Joiarib / das ander auff Jedaja. Das dritte auff Harim / das vierde auff Seorim. Das funfft auff Malchia / das sechst auff Meiamin. Das siebend auff Hakoz / das acht auff Abia. Das neunnde auff Jesua / das zehend auff Sechania. Das eilfft auff Eliassib / das zwelfft auff Jakim. Das dreizehend auff Hupa / das vierzehend auff Jesebeab. Das funffzehend auff Bilga / das sechzehend auff Immer. Das siebenzehend auff Hesi / das achzehend auff Hapizez. Das neunzehend auff Pethahja / das zwenzigst auff Jeheskel. Das ein vnd zwenzigst auff Jachin / das zwey vnd zwenzigst auff Gamul. Das drey vnd zwenzigst auff Delaja / das vier vnd zwenzigst auff Maasia. Das ist iher Ordnung nach iher Ampt zu gehen in das Haus des HERRN nach iher weise vnter iher vater Aaron / wie ihen der HERR der Gott Israel geboten hat.

Aber vnter den andern kindern Leui / war vnter den kindern Amram / Subael. Vnter den kindern Subael war Jehdea. Vnter den kindern Rehaja war der erst Jesia. Aber vnter den Jezeharitern war Slomoth. Vnter den kindern Slomoth war Jahath. Die kinder Hebron waren / Jeria der erste / Amarja der ander / Jahesiel der dritte / Jakimeam der vierde. Die kinder Oziel waren Micha. Vnter den kindern Micha war Samir. Der bruder Micha war Jesia. Vnter den kindern Jesia war Sacharja. Die kinder Merari waren / Nabeli vnd Musi / des son war Jaesia. Die kinder Merari von Jaesia sein son waren / Soham / Sacur vnd Ibri.

Nabeli aber hatte Eleasar / denn er hatte keine sone. Von Kis / Die kinder Kis waren Jerahmeel. Die kinder Musi waren / Nabeli / Eder vnd Jeremoth. Das sind die kinder der Leuiten vnter iher veter haus. Vnd man warff fur sie anch das Los neben iher brudern den kindern Aaron / fur dem konige David vnd Zadoth vnd Abimelech / vnd fur den obersten Vetern vnter den Priestern vnd Leuiten / dem kleinsten bruder eben so wol / als dem obersten vnter den Vetern.

XXVI.



Vnd David sampt den Feldheubtleuten sondert ab zu Emptern vnter den kindern Assaph / Heman vnd Jedithum die Propheten mit Harffen / Psalter / vnd Cymbalen / vnd sie wurden gezelet zum Werck nach iher Ampt. Vnter den kindern Assaph war / Sacur / Joseph / Aethanja / Asarela / kinder Assaph vnter Assaph / der da weissaget bey dem Konig. Von Jedithum / Die kinder Jedithum waren / Gedalia / Zori / Jesaja / Hasabja / Mathithja / Die sechs vnter iher vater Jedithum mit Harffen / die da weissagten zu dancken vnd zu loben den HERRN. Von He-